

**მაღალი სპორტული შედეგების მქონე სპორტსმენების და მათი მწვრთნელების წახალისების მიზნით
ფულადი ჯილდოს გაცემის წესი**

მუხლი 1.

1. მაღალი სპორტული შედეგების მქონე სპორტსმენების და მათი მწვრთნელების წახალისებით მიზნით ფულადი ჯილდოს გაცემის წესის (შემდგომში – წესი) მიზანია სპორტის მხარდაჭერა, სპორტის სხვადასხვა სახეობის განვითარების ხელშეწყობა და პოპულარიზაცია, წარმატებული სპორტსმენებისა და მწვრთნელების წახალისება, ჯანსაღი ცხოვრების წესის დამკვიდრება.

2. წესი ვრცელდება საქართველოს ან/და ქედის მუნიციპალიტეტის სახელით მოასპარეზე, ქედის მუნიციპალიტეტის მიერ დაფუძნებულ სპორტული წრეებში აღზრდილ და ქედის მუნიციპალიტეტის ტერიტორიაზე რეგისტრირებულ წარმატებულ სპორტსმენებსა და მწვრთნელებზე. ასევე იმ მწვრთნელებს, რომლებიც სამწვრთნელო საქმიანობას ახორციელებენ ქედის მუნიციპალიტეტში და რომელთა მიერ მომზადებულმა ქედის მუნიციპალიტეტის სახელით მოასპარეზე სპორტსმენებმა დაიკავეს წინამდებარე განკარგულებით განსაზღვრული საპრიზო ადგილები.

მუხლი 2.

1. ფულადი ჯილდო გაიცემა წლის განმავლობაში ამ განკარგულების დანართი №2-ის და №3-ის შესაბამისად, საქართველოს ტერიტორიაზე ქედის მუნიციპალიტეტის სახელით და საერთაშორისო მასშტაბით საქართველოს სახელით მოასპარეზე სპორტსმენებზე, რომლებიც სხვადასხვა სპორტულ შეჯიბრებებზე, ტურნირებზე, ჩემპიონატებზე და სხვა ასპარეზობებზე წარადგინა:

ა) სპორტის ფედერაციამ;

ბ) ქედის მუნიციპალიტეტის მიერ დაფუძნებულმა სასპორტო დაწესებულებამ ან შესაბამისმა ორგანიზაციამ;

გ) შეჯიბრში მონაწილეობა მიიღო პირადი ინიციატივით და რეგისტრირებულია ქედის მუნიციპალიტეტის ტერიტორიაზე.

2. ფულადი ჯილდო გაიცემა ამ მუხლის პირველი პუნქტით განსაზღვრული სპორტსმენების მწვრთნელებზე, რომლებიც სასწავლო-საწვრთნელ საქმიანობას ახორციელებენ ქედის მუნიციპალიტეტის მიერ დაფუძნებულ სპორტულ დაწესებულებებში და ფულადი ჯილდო გადაეცემა ამ განკარგულების დანართი №2-ის შესაბამისად განსაზღვრული ოდენობით.

3. ფულადი ჯილდო გაიცემა გუნდურ და ეკიპაჟურ სახეობებში პირველი საპრიზო ადგილის დაკავების შემთხვევაში, გამარჯვებული გუნდის წევრებზე და მათ მწვრთნელებზე.

4. ფულადი ჯილდო არ გაიცემა კომერციულ ტურნირში მონაწილე სპორტსმენებზე და მათ მწვრთნელებზე.

მუხლი 3.

1. ფულადი ჯილდოს მიღების მიზნით დაინტერესებულმა პირ(ებ)მა (ფიზიკური ან/და იურიდიული პირი) წერილობითი ფორმით უნდა მიმართოს ქედის მუნიციპალიტეტის აღმასრულებელ ორგანოს და წარუდგინოს შემდეგი დოკუმენტაცია:

ა) შესაბამისი ტიტულის მოპოვების დამადასტურებელი დიპლომის (სიგელის და სხვა) ასლი ან/და ცნობა ტიტულის მოპოვების შესახებ შესაბამისი ფედერაციიდან;

ბ) სრულწლოვანი, არასრულწლოვანი სპორტსმენის პირადობის დამადასტურებელი დოკუმენტის ასლი, ხოლო არასრულწლოვანი სპორტსმენს რომელსაც არ აქვს პირადობის მოწმობა ასეთ შემთხვევაში – დაბადების მოწმობის ასლი;

გ) სრულწლოვანი და არასრულწლოვანი სპორტსმენის საბანკო ანგარიშის რეკვიზიტები, ხოლო არასრულწლოვანი სპორტსმენის რომელსაც არ აქვს საბანკო ანგარიში ასეთ შემთხვევაში – ერთ-ერთი კანონიერი წარმომადგენლის (მშობლის) ან მინდობილი პირის საბანკო ანგარიშის რეკვიზიტები;

დ) არასრულწლოვანი სპორტსმენის შემთხვევაში – კანონიერი წარმომადგენლის (მშობლის) პირადობის მოწმობის ასლი ან მინდობილი პირის დამადასტურებელი დოკუმენტები;

ე) მწვრთნელის პირადობის მოწმობის ასლი და საბანკო ანგარიშის რეკვიზიტები.

2. წარმოდგენილ დოკუმენტაციას განიხილავს ქედის მუნიციპალიტეტის მერიის შესაბამისი სამსახური და მოხსენებითი ბარათით წარუდგენს მერს წინადადებას სპორტსმენსა და მწვრთნელზე

ფულადი ჯილდოს გაცემის მიზანშეწონილობის შესახებ.

3. ფულადი ჯილდოს გაცემის შესახებ გადაწყვეტილებას იღებს ქედის მუნიციპალიტეტის მერი, რომელიც გამოსცემს შესაბამის ინდივიდუალურ ადმინისტრაციულ-სამართლებრივ აქტს (ბრძანებას).

4. ფულადი ჯილდო გაიცემა უნაღდო ანგარიშსწორებით, შესაბამის საბანკო ანგარიშზეთანხის ჩარიცხვით.

მუხლი 4.

1. ამ წესის მიზნებისათვის გუნდი განიმარტება, როგორც ქედის მუნიციპალიტეტის მიერ დაფუძნებულ ორგანიზაციაში მოქმედი სპორტული წრის გუნდი, ასევე მუნიციპალიტეტის სახელით მოასპარეზე გუნდები.

2. ჯილდო გაიცემა გუნდზე, რომელიც დაიკავებს პირველ, მეორე და მესამე საპრიზო ადგილს.

3. გუნდის მიერ წარმოდგენილ დოკუმენტებს, ამ წესის მე-3 მუხლით გათვალისწინებული დოკუმენტების გარდა, უნდა დაერთოს ქედის მუნიციპალიტეტის მიერ დაფუძნებული ორგანიზაციების გაცემული ცნობა მწვრთნელისა და სპორტული წრის არსებობისა და განაცხადში მითითებული გუნდის შემადგენლობის შესახებ.

4. გუნდის ჯილდოს ოდენობა საპრიზო ადგილების გათვალისწინებით, განაცხადში მითითებული გუნდის თითოეული წევრზე (სპორტსმენი) და მწვრთნელზე განისაზღვრება დანართი №2-ის შესაბამისად.

მუხლი 5.

ამ წესის მიხედვით დაწესებული ფულადი ჯილდოს გაცემა უნდა მოხდეს ქედის მუნიციპალიტეტის შესაბამისი წლის ადგილობრივი ბიუჯეტის შესაბამისი პროგრამის ქვეპროგრამიდან.

ფულადი ჯილდოს ოდენობების განსაზღვრა საპრიზო ადგილების მიხედვით

მუხლი 1.

1. წარმატებული სპორტსმენებისა და მწვრთნელების ფულადი ჯილდოს ოდენობები განისაზღვროს საპრიზო ადგილების მიხედვით შემდეგნაირად:

1.1. მსოფლიოს ჩემპიონატი უფროსი ასაკი:

- ა) პირველი ადგილი: სპორტსმენი – 10000 ლარი, მწვრთნელი – 3000 ლარი;
- ბ) მეორე ადგილი: სპორტსმენი – 8000 ლარი, მწვრთნელი – 2400 ლარი;
- გ) მესამე ადგილი: სპორტსმენი – 6000 ლარი, მწვრთნელი – 1800 ლარი.

1.2. მსოფლიოს ჩემპიონატი 23-წლამდელები და ახალგაზრდები:

- ა) პირველი ადგილი: სპორტსმენი – 8000 ლარი, მწვრთნელი – 2400 ლარი;
- ბ) მეორე ადგილი: სპორტსმენი – 6500 ლარი, მწვრთნელი – 1950 ლარი;
- გ) მესამე ადგილი: სპორტსმენი – 5000 ლარი, მწვრთნელი – 1500 ლარი.

1.3. მსოფლიოს ჩემპიონატი ჯაბუკებსა და უმცროს ასაკში:

- ა) პირველი ადგილი: სპორტსმენი – 6000 ლარი, მწვრთნელი – 1800 ლარი;
- ბ) მეორე ადგილი: სპორტსმენი – 4500 ლარი, მწვრთნელი – 1350 ლარი;
- გ) მესამე ადგილი: სპორტსმენი – 3000 ლარი, მწვრთნელი – 900 ლარი.

1.4. ოლიმპიური ჩემპიონი უფროსებში:

- ა) პირველი ადგილი: სპორტსმენი – 20000 ლარი, მწვრთნელი – 6000 ლარი;
- ბ) მეორე ადგილი: სპორტსმენი – 15000 ლარი, მწვრთნელი – 4500 ლარი;
- გ) მესამე ადგილი: სპორტსმენი – 10000 ლარი, მწვრთნელი – 3000 ლარი.

1.5. ოლიმპიური ჩემპიონი ახალგაზრდებსა და 23-წლამდელებს შორის:

- ა) პირველი ადგილი: სპორტსმენი – 15000 ლარი, მწვრთნელი – 4500 ლარი;
- ბ) მეორე ადგილი: სპორტსმენი – 10000 ლარი, მწვრთნელი – 3000 ლარი;
- გ) მესამე ადგილი: სპორტსმენი – 7000 ლარი, მწვრთნელი – 2100 ლარი.

1.6 ოლიმპიური ჩემპიონი U-15 და U-17 შორის:

- ა) პირველი ადგილი: სპორტსმენი – 10000 ლარი, მწვრთნელი – 3000 ლარი;
- ბ) მეორე ადგილი: სპორტსმენი – 7000 ლარი, მწვრთნელი – 2100 ლარი;
- გ) მესამე ადგილი: სპორტსმენი – 5000 ლარი, მწვრთნელი – 1500 ლარი.

1.7. ევროპის ჩემპიონატი უფროს ასაკში:

- ა) პირველი ადგილი: სპორტსმენი – 8000 ლარი, მწვრთნელი – 2400 ლარი;
- ბ) მეორე ადგილი: სპორტსმენი – 6000 ლარი, მწვრთნელი – 180 ლარი;
- გ) მესამე ადგილი: სპორტსმენი – 4000 ლარი, მწვრთნელი – 1200 ლარი.

1.8. ევროპის ჩემპიონატი ახალგაზრდებსა და 23-წლამდელებს შორის:

- ა) პირველი ადგილი: სპორტსმენი – 6000 ლარი, მწვრთნელი – 1800 ლარი;
- ბ) მეორე ადგილი: სპორტსმენი – 4500 ლარი, მწვრთნელი – 1350 ლარი;
- გ) მესამე ადგილი: სპორტსმენი – 3000 ლარი, მწვრთნელი – 900 ლარი.

1.9. ევროპის ჩემპიონატი U-15 და U-17 შორის:

- ა) პირველი ადგილი: სპორტსმენი – 4000 ლარი, მწვრთნელი – 1200 ლარი;
- ბ) მეორე ადგილი: სპორტსმენი – 3000 ლარი, მწვრთნელი – 900 ლარი;

გ) მესამე ადგილი: სპორტსმენი – 2000 ლარი, მწვრთნელი – 600 ლარი.

1.10. საერთაშორისო ტურნირი 23-წლამდე და უფროს ასაკში:

ა) პირველი ადგილი: სპორტსმენი – 800 ლარი, მწვრთნელი – 300 ლარი;

ბ) მეორე ადგილი: სპორტსმენი – 650 ლარი, მწვრთნელი – 250 ლარი;

გ) მესამე ადგილი: სპორტსმენი – 500 ლარი, მწვრთნელი – 200 ლარი.

1.11. საერთაშორისო ტურნირი U-15 , U-17-ს და ახალგაზრდებს შორის:

ა) პირველი ადგილი: სპორტსმენი – 600 ლარი, მწვრთნელი – 250 ლარი;

ბ) მეორე ადგილი: სპორტსმენი – 450 ლარი, მწვრთნელი – 200 ლარი;

გ) მესამე ადგილი: სპორტსმენი – 300 ლარი, მწვრთნელი – 150 ლარი.

1.12. საქართველოს რესპუბლიკური ტურნირი 23-წლამდელებსა და უფროს ასაკში:

ა) პირველი ადგილი: სპორტსმენი – 600 ლარი, მწვრთნელი – 150 ლარი;

ბ) მეორე ადგილი: სპორტსმენი – 450 ლარი, მწვრთნელი – 120 ლარი;

გ) მესამე ადგილი: სპორტსმენი – 300 ლარი, მწვრთნელი – 100 ლარი.

1.13. საქართველოს რესპუბლიკური ტურნირი U-15 , U-17-ს და ახალგაზრდებს შორის:

ა) პირველი ადგილი: სპორტსმენი – 250 ლარი, მწვრთნელი – 100 ლარი;

ბ) მეორე ადგილი: სპორტსმენი – 200 ლარი, მწვრთნელი – 80 ლარი;

გ) მესამე ადგილი: სპორტსმენი – 150 ლარი, მწვრთნელი – 60 ლარი.

1.14. აჭარის პირველობები (ტურნირები (პირადი) უფროს ასაკში, ახალგაზრდებში, ჯაბუკებში):

ა) პირველი ადგილი: სპორტსმენი – 300 ლარი, მწვრთნელი – 200 ლარი;

ბ) მეორე ადგილი: სპორტსმენი – 200 ლარი, მწვრთნელი – 150 ლარი;

გ) მესამე ადგილი: სპორტსმენი – 100 ლარი, მწვრთნელი – 100 ლარი.

1.15. საქართველოს და აჭარის ჩემპიონატი/პირველობები ჯაბუკებსა და უფროს ასაკს შორის (გუნდური (ფეხბურთი, ფრენბურთი, კალათბურთი) წრიული სისტემით

ა) პირველი ადგილი: სპორტსმენი – 600 ლარი, მწვრთნელი – 200 ლარი;

ბ) მეორე ადგილი: სპორტსმენი – 500 ლარი, მწვრთნელი – 150 ლარი;

გ) მესამე ადგილი: სპორტსმენი – 400 ლარი, მწვრთნელი – 120 ლარი.

1.16. საქართველოს და აჭარის ჩემპიონატი/პირველობები U-15 , U-17-ს ასაკს შორის (გუნდური (ფეხბურთი, ფრენბურთი, კალათბურთი) წრიული სისტემით

ა) პირველი ადგილი: სპორტსმენი – 300 ლარი, მწვრთნელი – 200 ლარი;

ბ) მეორე ადგილი: სპორტსმენი – 150 ლარი, მწვრთნელი – 150 ლარი;

გ) მესამე ადგილი: სპორტსმენი – 100 ლარი, მწვრთნელი – 100 ლარი.

მუხლი 2.

1. გუნდის ფულადი ჯილდოს ოდენობა საპრიზო ადგილების გათვალისწინებით, განაცხადში მითითებული გუნდის თითოეული წევრზე (სპორტსმენზე) და მწვრთნელზე განისაზღვროს შემდეგნაირად:

1.1. სასკოლო სპორტული ოლიმპიადი (გუნდური, აჭარის პირველობა) უფროსი ასაკი, ახალგაზრდები, U-15 , U-17-ს შორის:

ა) პირველი ადგილი: სპორტსმენი – 300 ლარი; მწვრთნელი – 120 ლარი;

ბ) მეორე ადგილი: სპორტსმენი – 250 ლარი; მწვრთნელი – 75 ლარი;

გ) მესამე ადგილი: სპორტსმენი – 200 ლარი; მწვრთნელი – 60 ლარი.

1.2. საქართველოს ჩემპიონატი სპორტულ თამაშებში (გუნდური) უფროსი ასაკი, ახალგაზრდები, U-15 , U-17-ს შორის:

- ა) პირველი ადგილი: სპორტსმენი – 350 ლარი, მწვრთნელი – 105 ლარი;
- ბ) მეორე ადგილი: სპორტსმენი – 300 ლარი, მწვრთნელი – 90 ლარი;
- გ) მესამე ადგილი: სპორტსმენი – 250 ლარი, მწვრთნელი – 75 ლარი.

საქართველოს ჩემპიონატი 23-წლამდელებს და უფროს ასაკს შორის			
N	ადგილი	სპორტსმენი	პირადი მწვრთნელი
საქართველოს ჩემპიონატი (თვეში, გადასახადების ჩათვლით)			
1	I	1000	300
2	II	850	255
3	III	700	210
საქართველოს ჩემპიონატი U-15 და U-17 შორის			
N	ადგილი	სპორტსმენი	პირადი მწვრთნელი
საქართველოს ჩემპიონატი (თვეში, გადასახადების ჩათვლით)			
1	I	500	150
2	II	400	120
3	III	300	90